


TEZAUUR LITURGIC
8 NOIEMBRIE

ACATISTUL
SF. ARHANGHEL
RAFAEL



MOSCOVA, 2000



Ака́фист

арха́нгелу Рафаи́лу

Кондак 1

Изра́нный Бо́гом от во́инства небеса́наго на
служи́ние ро́ду челове́ческому, Арха́нгеле Бо́жий
Рафаи́ле, и чуде́сы вели́кими и сла́вными на
земли́ возсия́вый, моли́ Христа́ Бо́га вся́ких
искуше́ний, бед и наве́тов вра́жеских избе́гнути
нам и насле́дники Ца́рствия Небеса́наго
соде́латися, да ра́достными пе́снями с любóвию
восхваля́ем тя, небеса́наго предста́теля и
засту́пника на́шего, зову́ще:

Ра́дуйся, святы́й арха́нгеле Рафаи́ле, целите́лю
неду́гов на́ших и моли́твенниче о нас пред
Бо́гом.

Икос 1

Арха́нгели и а́нгели и вся во́инства небеса́ная,
предстоя́ще престо́лу Святы́я Тро́ицы,
непреста́нно славосло́вят Творца́ небесе́ и земли́.
С ними́ же и ты, всесла́вный Рафаи́ле,
воспева́еши гимны́ хвале́бныя Вседержите́лю.
Приими́ у́бо и от нас земноро́дных с любóвию и
наде́ждою приноси́мая ти велича́ния сия́:

Ра́дуйся, венце́м побѣ́дным па́че звезд на небеси́
блиста́яй;

ра́дуйся, тимпа́не сладкозвучный, сла́ву Бо́жию
бряца́яй.

Ра́дуйся, лю́тых и неисце́льных неду́гов телѣ́сных
враче́вателю;

ра́дуйся, немо́щей и страсте́й душе́вных
целите́лю.

Ра́дуйся, всем приходя́щим к тебе́ благ
преизобильный пода́телю;

ра́дуйся, от теплохла́дия и малове́рия нас
пресла́вный изба́вителю.

Ра́дуйся, неве́рующих в Прóмысл Бо́жий в ве́ре
утвержда́яй;

ра́дуйся, от сна грехо́внаго ду́ши на́ша
пробужда́яй.

Ра́дуйся, святы́й архáнгеле Рафаи́ле, целите́лю
неду́гов на́ших и моли́твенниче о нас пред
Бо́гом.

Кондак 2

Ви́дяще очима́ веры силу и вели́чие
молниенóснаго вида́ твоего, архáнгеле Бо́жий

Рафаи́ле, мы, земно́родни́и, а́ще и грешни́ есмы́ и недостойни́, о́баче с любовью́ и благодарением ко Пресвяте́й Троице зовем вкúпе с тобою́ и со всеми́ силами́ небесными́: Аллилу́ия.

Икос 2

Ра́зум человеческий не возмо́жет постигнути́ всех таинств премудрости и милосердия́ Творца́ нашего́, ибо человеколю́бивый Госпо́дь, видя́ страдания́ людей, по неизреченной милости́ Своей посылает на землю́ святых ангелов Своих во исцеление недúгующих и утешение скорбящих. За сие служение твое приими́, архангеле Божий, от нас в смирении и благоговении приносимое ти благодарение сие:

Ра́дуйся, слуго́ Госпо́день, присно волю́ Владыки́ твоего́ творя́й;

ра́дуйся, от обите́лей райских во юдо́ль плачевную нисходя́й.

Ра́дуйся, от Бога повеление и власть человеком помогати прие́мляй;

ра́дуйся, молитвы́ наша к стопам Вседержителя́ и Богородицы возно́сяй.

Ра́дуйся, сердца́ жесто́кая благодатно преобража́й;

раду́йся, о́гнь ве́ры и́стинны́я и лю́бве
нелицеме́рны́я возгрева́яй.

Раду́йся, я́ко тобою́ бездну́ милосе́рдия Бо́жия
призыва́ем;

раду́йся, я́ко тобою́ спасе́ние ве́чное улу́чи́ти
ча́ем.

Раду́йся, святы́й арха́нгеле Рафаи́ле, це́лителю
неду́гов на́ших и моли́твенниче о нас пред
Бо́гом.

Кондак 3

Си́лою благода́ти Бо́жия прия́л еси́ вла́сть неду́ги
исце́ляти и бе́сы изгоня́ти, святы́й архангеле
Бо́жий Рафаи́ле, я́ко прослави́ тя всемо́гущий
Бог мно́гими чуде́творе́нии; мы же, на сие
взира́юще, усер́дно прите́каем к предста́тельству
тво́ему, во е́же исце́ления прия́ти неду́гов на́ших
теле́сных, па́че же душе́вных, и усер́дно просим
тя: не оста́ви нас все́си́льною помо́щию тво́ею в
бо́рьбе с грехом и собла́знами ми́ра се́го, да
беспреткнове́нно пу́ть наш земно́й пре́йдем и в
радо́сти духо́вной купно́ с тобою́ воспое́м
Триеди́ному Бо́гу благода́рственную
пе́снь: Аллилу́ия.

Икос 3

Имѹще ты великаго помощника и крепкаго побѣрника на сопротивныя силы, молим ты, архангеле Рафаиле, бѹди нам покровитель на всех путѣх жизни нашея, да со благодарением зываем ти сице:

Радуйся, паче всего инаго о Бозе мыслити наставляяй;

радуйся, волю Его любить и творити подвизаяй.

Радуйся, заповедь о любви к ближнему исполняти нас научаяй.

радуйся, миром и кротостию души наши исполняяй.

Радуйся, дух милосердия в сердцах наших воскрешаяй;

радуйся, от плѣвел ненависти их очищаяй.

Радуйся, от всякаго зла и греха нас сохраняяй;

радуйся, в добродетели терпения нас утверждаяй.

Радуйся, святыи архангеле Рафаиле, целителю недугов наших и молитвенниче о нас пред Богом.

Кондак 4

Бу́ри искуше́ний и бед изба́ви нас,
путево́дителя наш, Богом да́нный, и не остави
нас беспомо́щных в скорбны́я дни житейских
испытаний и болезней, яко́ от Бога премудра́го
тя ко́рмчаго жизни наша́ стяжа́хом; сего́ ради
егда́ волны мирских попечений, страх и трепет
смерти объе́млют нас, на́ тя, арха́нгеле святы́й,
по Бо́зе надежду возлага́ем всерадо́стно, у тебе
ча́юще тихое пристанище спасения обрести́, и
благодарственно́ поем о тебе
Вседержителю: Аллилу́ия.

Икос 4

Слы́шав Всеми́лосердный Госпо́дь наш слезны́я
горячия́ молитвы́ верных слуг Своих –
праведна́го Тови́та и стражду́щия от наси́лия
демонска́го девы́ Са́рры, благоизво́ли послати́ к
ним́ тя, всесла́вный Рафа́иле, да́ вся потре́бная
им да́руеши, и в вере, благо́честии и милосерди́и
к бли́жним их утверди́ши. Мы́ же, вся́ сия́ ны́не
помина́юще, просим́ тя, арха́нгеле Бо́жий, твоею́
молитвою́ исцели́ и нас, грешных, да
благодарственно́ зовем́ ти:

Ра́дуйся, в я́влениях твоих образ милосерди́я
Бо́жия я́вивый;

раду́йся, вѣстниче́ Божий, дивная величия
Господня́ верным открыва́й.

Раду́йся, исто́чнице́ Божий, жажду́ духовную
многих утоли́вай;

раду́йся, всех к тебе́ прибегающих милостию
твоею покрыва́й.

Раду́йся, от домашня́ вражды́ единокровны́я
миром огражда́й;

раду́йся, друга́ друга́ тяготы́ носить нас
науча́й.

Раду́йся, страждущим усердно́ служи́ти нас
подвиза́й;

раду́йся, на вся́ благая́ и душеполезная́ нас
наставля́й.

Раду́йся, святы́й архангеле́ Рафа́иле, целителю́
недугов на́ших и моли́твенниче́ о нас пред
Бо́гом.

Кондак 5

Богоявле́нною звездо́ю путеводною́ был еси́
отроку́ Товии́, егда́ отецъ посла́ его́ к сроднику́
своему́ на страну́ далече́. И не то́кмо спутникъ
добры́й был еси́ ему́, обаче и врачевате́ль
искусны́й, егда́ повеле́л еси́ ему́ в реце́ рыбу́

изловити и изъяти из нея сердце, печень и желчь, во еже асмондея, демона-губителя, каждением сим от благочестивыя девы Сарры отгнати и слепаго Товита желчию уврачевати. За такуюю убо милость Божию к ним воспеша ти Господеви благодарственную песнь: Аллилуия.

Икос 5

Видим тя взором духовным, всехвальный архангеле Рафаиле, у Престола Божия в велицей славе предстоящего и за нас грешных молящегося, и просим тя: буди и нам спутник, якоже Товии, в жизни нашей многотрадальной, сохраняя нас от греха и всякаго злаго обстояния, от врагов видимых и невидимых, да возмогли быхом и мы в здравии, мире и благоденствии славити Отца Небеснаго, и тебе, святой наш покровителю, величати сице:

Радуйся, отроку Товии путь безмятежен сотворивый;

радуйся, мудрый и добрый советодатель ему бывый.

Радуйся, путешествовати хотящим добрый спутниче и руководителю;

раду́йся, путе́й покая́ния и спасе́ния му́дрый сказа́телю.

Раду́йся, от похоти себ́ялю́бия нас благода́тно исцеля́й;

раду́йся, к земным богатствам се́рдцем не прилепля́йся науча́й.

Раду́йся, сокрови́ща нетле́нная искати нас побужда́й;

раду́йся, за вся Творца благода́рити нас наста́вляй.

Ра́ду́йся, святы́й арха́нгеле Рафаи́ле, целите́лю неду́гов на́ших и моли́твенниче о нас пред Бо́гом.

Кондак 6

Пропове́дует весь мир хри́стианский служе́ние твое́ челове́кам, яко ты еси́, арха́нгеле, провозвестник суде́б Божи́их и всеблагомо́щный моли́твенник за ны́ ко Госпо́ду. За тако́вое служе́ние твое́ всему́ роду́ на́шему благода́рным се́рдцем и усты́ поем Бо́гу, благоизво́лившему послати́ нам а́нгелы́ Своя́: Аллилу́ия.

Икос 6

Возсия́л еси, светоно́сный архангеле, яко
светильник лучеза́рный и богоно́сный, егда
возвестил еси праведному Тови́ту, яко ты еси
един от седми́ святых ангелов, иже приносят
молитвы святых и входят пред славу
милосе́рднаго Бога нашего, и заповедал еси всем
верным, яко подобает спасения ради ми́лостыню
творити, Го́сподеви моли́тися усердно и
славословити всесвятое имя Его; и тако,
совершив волю Божию, восше́л еси во обители
небесныя к Посла́вшему тя. Сего ради и мы,
смиренно покланя́ющесе Творцу нашему, в
радости духовной приносим тебе славосло́вия
сия:

Ра́дуйся, вы́ну пред Господем за всех больных и
страждущих ходата́йствуяй;

радуйся, просвещением Боже́ственным умы и
сердца́ наша озаря́яй.

Радуйся, яко тобою истина Христова при́сно
утверждается;

радуйся, яко тобою лицеприя́тие и
человекоуго́дие посрамляется.

Радуйся, врачей премудростию и
человеколю́бием обогаща́яй;

раду́йся, бо́гатых в ми́лосерди́и и благо́творе́нии
утвержда́яй.

Раду́йся, бедны́м отраду́ и вспомо́жение
всеми́лостиво да́руяй;

раду́йся, к творе́нию дел благо́их всех нас усердно
подвиза́яй.

Раду́йся, святы́й арха́нгеле Рафаи́ле, целите́лю
неду́гов на́ших и моли́твенниче о нас пред
Бо́гом.

Кондак 7

Хотя́ Чело́веколю́бец Госпо́дь явити в тебе,
пресла́вный Рафаи́ле, Свое неизрече́нное к
люде́м ми́лосердие, показа́ ты яко́ воистину́
светило́ мно́госве́тлое: скоры́м бо твои́м
ходата́йством ты мно́гая чуде́са во дни Ве́тхаго
Завета́ совершил еси́, обаче и в наше
преско́рбное и мно́госу́етное время́ не
оставля́еши нас предста́тельством твои́м и
подвиза́еши Го́сподеви уми́ленно
взывати́: Аллилу́ия.

Икос 7

Но́вое чудо́ сотворил еси́, светоза́рный Рафаи́ле,
егда́, явля́ся преподо́бному Мака́рию Ри́млянину,
указа́л еси́ ему́ место́ благо́словенное, иде́же

надлежало́ ему соверш^ити подвиги своя, и во дни старости посетил еси угодника сего, избавление от искушения тяжкаго ему даровав. Мы же, ныне вся сия воспоминающе, просим тя, архангеле святы́й: утверди и нас в вере во всемог^ущество и милосердие Творца нашего, и прими́ милостиво приносимая ти с верою и любовью велич^ания сия:

Ра́дуйся, несумне́нный покрове от бра́ней и упокоение;

радуйся, преподо́бных Христовых утешение.

Радуйся, кротких нравом святое благословение;

радуйся, молитвами твоими нас преобража́яй.

Радуйся, от глада духовного всех нас изба́вляяй;

радуйся, любви к Божию творению нас науча́яй.

Радуйся, образ Божий в ближнем зрети наставля́яй;

радуйся, нрав гневли́вый на кроткий пременя́яй.

Ра́дуйся, святы́й архангеле Рафа́иле, целите́лю неду́гов на́ших и моли́твенниче о нас пред Богом.

Кондак 8

Стра́нно и неудобоприятельно су́етному миру слы́шати, ка́ко молитвами твоими, богоно́сный архангеле, богатство милосердия Божия изливается на всех с верою притека́ющих к небесному покрови́тельству твоему. Мы же, славяще Троицу Святу́ю, давшую ти благодать сию, умиле́нно Творцу нашему поем: Аллилу́ия.

Икос 8

Всем хо́щещи спасения, всеблагий наш покровителю, святы́й архангеле Рафаиле, твоими бо хода́тайствы и молитвами вся полезная нам да́руеши: ибо тобою па́губа отгоняется, здравие возвращается, мир и благоденствие водворяются на землі, понеже на Небесе́х при́сно предста́тельствуеши о нас. Сего ради просим тя: помози́ нам, заступниче наш, на жи́зненном пути нашем, и молися Господеви о всех вопиющих тебе си́це:

Ра́дуйся, слепых зря́чими сотворя́яй;

ра́дуйся, глухим слух и немым язык отверза́яй.

Ра́дуйся, хребты сокрушенныя укрепля́яй;

ра́дуйся, кости поврежденныя исправля́яй.

Радуйся, хромым радость хождения
возвращаяй;

радуйся, сухия руки и ноги токи жизненными
исполняяй.

Радуйся, раны огненныя и смрадные струпы
телесныя исцеляяй;

радуйся, разума лишившимся молитвами
твоими ум подаваяй.

Радуйся, святыи архангеле Рафаиле, целителю
недугов наших и молитвенниче о нас пред
Богом.

Кондак 9

Всякия беды, скорби и напасти избавляя нас,
святыи архангеле, твоими к Богу теплыми
молитвами, сотвори, да в претрудном земном
житии нашем спасения вечнаго достигнем и с
тобою купно в селении праведных воспоём
Господеви: Аллилуия.

Икос 9

Ветийствующий язык не может изрещи всю
славу твою на небеси, святыи архангеле
Рафаиле, яко с огненными лики небесных сил
предстоиши престолу Царя царствующих и

Господа господствующих, умоляя Его благость и милосердие о чтущих тя людех, взывающих ти сице:

Ра́дуйся, ангелов нача́льниче и человеков наста́вниче и заступниче;

ра́дуйся, да́ры Духа Святаго стяжати нам помога́й.

Ра́дуйся, свято и праведно Богородицу почитати науча́й;

ра́дуйся, всем любящим Господа тихую радость на сердце полага́й.

Ра́дуйся, дружбу и любовь между христианами укрепля́й;

ра́дуйся, о благостоянии святых Божиих Церквей Христа умоля́й.

Ра́дуйся, мона́шествующих похвало и утверждение;

ра́дуйся, мирян в благочестíвом житии укрепление.

Ра́дуйся, святы́й арха́нгеле Рафа́иле, целíтелю неду́гов на́ших и моли́твенниче о нас пред Бо́гом.

Кондак 10

Спасти́ся хотя́щим нам, буди помощник тверд, архангеле Рафаиле, избавляя нас и храня от всяких бед и напастей, наипаче же от грехопадений наших, лишаящих нас благодати Божия. Того ради от сетей бесовских тобою избавляеми, благодарным сердцем и усты́ зовем Спасителю нашему: Аллилу́ия.

Икос 10

Стена́ еси крепкая и ограждение неодоли́мое являеши́ся всем прибегающим к твоему заступлению и по́моци, архангеле Божий Рафаиле; сего ради молим тя: сохраняй нас от коварства врагов видимых и невидимых кро́вом крил твоих. Все же исцеленнии и в пути шеству́ющие, тобою охраняеми, благодарственно взывают тебе сице:

Ра́дуйся, силою Божиею козни диавола и аггелов его разруша́яй;

ра́дуйся, полки́ их низлага́яй и безсилие их явля́яй.

Ра́дуйся, от греховных навыков сердца́ наша свобожда́яй;

ра́дуйся, всякую печаль от чтущих тя удаля́яй.

Радуйся, в вере и благочестии нас утвержда́яй;
радуйся, светом любви нелицеме́рныя нас
озаря́яй.

Радуйся, заповеди ева́нгельския исполня́ти нас
наставля́яй;

радуйся, на славосло́вие Божие всех нас
созыва́яй.

Ра́дуйся, святы́й архан́геле Рафаи́ле, целите́лю
неду́гов на́ших и моли́твенниче о нас пред
Бо́гом.

Кондак 11

Пе́ние Пресвяте́й Троице на небесе́х
непрестанно воспевают всесла́внии архангели и
все де́вять чино́в ангельских, со страхом
глаго́люще: «Свят, Свят, Свят Госпо́дь Савао́ф,
испо́льнь небо и земля славы Твоея́!» С ними же и
ты, светоза́рный архан́геле Рафаи́ле,
пребыва́еши в славосло́вии. Мы же, вся сия
ныне помина́юще, просим тя: сподоби и нас на
земли́ чистым сердцем и усты́ такожде
воспевати Трине́диному Богу хвалебную
песнь: Аллилу́ия.

Икос 11

Светопріёмный проповедник истиннаго света являеши, святыи архангеле Божий, просвещаеши бо сердца верных, и к разуму Божественному вся наставляеши, и пути спасительныя нам отверзаеши; сего ради молим тя: помози нам воспрянути от сна греховнаго и наполнити сосуды души наших елеем дел благих, исполни же нас духа премудрости Божия, сердца наша в любви ко Христу и ближним нашим утверди, и прими от нас похвалы сия:

Радуйся, немощных духом силою благодати Божия исполняяй;

радуйся, изнемогающих от уныния и скорбей всеоружием веры и надежды облакаяй.

Радуйся, на милость Божию уповати нас преславно наставляяй;

радуйся, младенцев воспитание и благодатное хранение.

Радуйся, отроков во благочестии преславно укрепление;

радуйся, дев и юношей в целомудрии утверждение.

Радуйся, супругов в любви и единомыслии сохраняяй;

радуйся, старцем отраду и утешение посылаяй.

Радуйся, святы́й архангеле Рафа́иле, целителю недугов наших и моли́твенниче о нас пред Богом.

Кондак 12

Благода́ть ве́лию приял еси от Бога целити всякий недуг и всяку язву в людех, о великий архангеле Рафа́иле. Подаждь убо и нашим душам и телесем исцеление от недугов, нас гнетущих, да Богу, дарова́вшему нам такова́го помощника и врача́теля, благодаривше воспоем: Аллилу́ия.

Икос 12

Пою́ще многообра́зная твоя чудеса, во спасение наше соде́янная, хвалим тя, святы́й покровителю и те́плый предста́телю о нас пред Богом, и просим тя: не оста́ви убо нас zde, в земно́м нашем странствии, тамо же, в день Страшнаго Суда Божия, буди нам крепкий заступник, да безпреткнове́нно пре́йдем мытарства злых духо́в и Царствия Небеснаго наследники соделаемся; ныне же приими́ ми́лостивно величания сия:

Ра́дуйся, всех приходящих к тебе благодатию озаряяй;

раду́йся, теплотою любви твоея нас согрева́яй.

Раду́йся, молитвами твоими от вечныя погибели нас избавляяй;

раду́йся, от внезапныя смерти и кончины лютыя нас изымаяй.

Раду́йся, в смертный час всем нам благонаде́жный помо́щниче;

раду́йся, от насилия демонского многомо́щный наш защи́тниче.

Раду́йся, от обычаев душетленных сердца́ наша отвраща́яй;

раду́йся, нравы добрыя и благоче́стие в нас насажда́яй.

Ра́дуйся, святы́й арха́нгеле Рафа́иле, целите́лю неду́гов на́ших и моли́твенниче о нас пред Бо́гом.

Кондак 13

О пресла́вный арха́нгеле Бо́жий Рафа́иле! За предивное служе́ние твоё ро́ду челове́ческому приими́ от нас грешных и недостойных сие́

мáлое тебе́ хвалéние и благодарéние, и покрый нас крыло́ма твои́ма от всех враг ви́димых и неви́димых, умоли́ же Христа́ Бо́га сподо́битися нам христиа́нския ми́рныя кончи́ны, изба́витися вéчных мук и вселитися во оби́телех Отца́ Небе́снаго, да купно с тобо́ю и со все́ми святы́ми ра́достно воспоём Царю́ Сла́вы: Аллилу́ия.

Сей конда́к глаго́лется три́жды.

И па́ки чтéтся 1-й и́кос и 1-й конда́к

Молитва

О святы́й сла́вный арха́нгеле Бо́жий Рафаи́ле, ско́рый помо́щниче и те́плый пред Бо́гом о нас засту́пниче и моли́твениче! Предстоя́ престолу́ Превя́тыя Троицы, испроси́ нам у Господа́ прощение́ согрешений́ наших: да преложит Он на милость гнев Свой праведный, грехов ради наших дви́жимый на нас. Не остави́ же, о архангеле́ Божий, нас и ты помощь и заступле́нием твоим, днесь прославля́ющих имя́ твое́ свято́е. Аще и многогрéшни есмы́, оба́че не хо́щем в беззакония́х наших погибну́ти. Укрепи́ благодати́ю Госпо́днею слабую́ волю́ нашу на дела́ благая́. Буди́ и нам, яко́же отро́ку Тови́и, путево́дитель и советода́тель в нашем многоско́рбнем житии́. Помози́ нам изба́витися от гнетущих нас болезней, яко́же ты изба́вил еси́

Тови́та от многолетны́я его слепоты. Егда же приблизится час сконча́ния нашего, не остави нас, архангеле Божий, беззащитных на воздушных мыта́рствах проти́ву духо́в злобы, прегражда́ющих восход в го́рняя, да соблюда́еми тобою достигнем обителей небесных, и купно с тобою и со всеми святыми прославим Единосу́щную и Живонача́льную Троицу, Отца и Сына и Свята́го Духа, во веки веков. Ами́нь.

